

# NKF mohon pengecualian cukai LHDN

**KUALA LUMPUR 6 Sept.** - Yayasan Buah Pinggang Kebangsaan (NKF) sedang mendapatkan khidmat nasihat perunding cukai untuk memohon status pengecualian cukai Lembaga Hasil Dalam Negeri (LHDN).

Pengerusi Ahli Lembaga Pengarah NKF, Datuk Dr. Zaki Morad berkata, proses itu berikutan penderma kepada yayasan tersebut tidak lagi menerima pengecualian cukai.

“LHDN telah menasihati NKF untuk segera memohon semula status pengecualian cukai dan mengikut garis

panduan yang ditetapkan.

“NKF sedang mendapatkan nasihat perunding cukai bagi memastikan ia memenuhi garis panduan,” katanya.

Tambahnya, pengguguran status pengecualian cukai yayasan itu berkuat kuasa bermula 29 Ogos lalu.

“Audit mendapati yayasan tidak mematuhi beberapa proses di bawah Akta Cukai Pendapatan 1967 melibatkan prosedur dan struktur perakaunan yang tidak menunjukkan dengan jelas penggunaan dana yang disumbangkan untuk proses dialisis,” katanya.